

Letlole la Kimollo la Dihlapiso tsa Mosebetsi la ECD Le bolela eng bakeng sa SmartStarters?

KAKARETSO YA POTLAKO

- Selemo se fetileng, mmuso o ile wa tsebisa ka letlole la tshohanyetso ho thusa ho sireletsa mesebetsi nakong ya sewa sa COVID-19. Letlole le leng ke bakeng sa basebetsi ba mananeo a ECD. Le bitswa **Letlole la Kimollo la Dihlapiso tsa Mosebetsi la ECD**
- Letlole le tla lefa dithuso tse ikgethileng ho batho ba sebetsang mananeong a ECD, ba lahlehetsweng ke lekeno ka lebaka la sewa sena. **Tshehetso e fanwang e tla fihlella ho boleng ba R4,470 ho mosebetsi ka mong.** Tjhelete ya moshwelella e ka nna ya eba ka tlase ho itshetlehile hore ke batho ba bakae ba etsang kopo.
- **Mefuta yohle ya basebetsi mefuteng yohle ya mananeo a ECD,** ho kenyeletsa le mananeo a sa keneleng ditsing jwalo ka dihlopha tsa ho bapala le bahlokamedi ba bana, ba loketswe ke ho fumana thuso.
- **Letsatsi la ho qetela bakeng sa ho etsa kopo ya thuso ena e tlang hangwe ke Labohlano 19 Tlhakola.**



THUSO ENA E FAPANE LE THUSO YA KIMOLLO YA SMARTSTART.
Sena se bolela hore o ka etsa kopo ho dithuso tsena ka BOBEDI.

KE MANG YA LOKETSWENG KE HO FUMANA?

- 'Loketswe' e bolela 'ho dumellwa ho fumana thuso'. Motho o loketswe ke ho fumana haeba a sebetsa lenaneong la ECD a etsa mosebetsi ofe kapa ofe – jwalo ka barutabana, diaphehi le batsamaisi.
- Mananeo kaofela a SmartStart a sebeditseng pele ho la 1 Tlhakubele 2020 a loketswe ke ho fumana thuso.
- Ka hodima moo, mananeo a hloka hore a bulwe hore a lokelwe ke ho fumana thuso. Haeba lenaneo la hao le eso ka le bulwa, o lokela ho itlama ho bula hape nakong ya matsatsi a 60.
- Ho lokelwa ke ho fumana thuso ha ho a lekana. Mmuso o hloka hore bakopi ba be le dintho tse itseng, jwalo ka akhaonto ya banka. Bongata ba diSmartStarter bo tla fumana sena e le bothata. **Leha ho le jwalo, Franchisor ya hao e ka etsa kopo bakeng sa hao.** Ho na le lesedi le eketsehileng mabapi le sena leqepheng le latelang.

Nako ha e sa le yo – dula o bala ho fumana hore o ka etsa kopo jwang!

KE MANG YA KA ETSANG KOPO?

- Mmuso o re kopo e lokela ho romelwa ke:
 - 1 Monga setsi sa ECD kapa molaodi wa sona, bakeng sa basebetsi **kaofela**. Boleng bohle ba thuso e tla ba bakeng sa basebetsi ba 4 ho setsi ka seng sa ECD, e lokelang ho arolelwa basebetsi kaofela. **KAPA**
 - 2 Monga lenaneo la ECD le sa keneleng setsing kapa molaodi wa sona, jwalo ka sehlopha sa ho bapala kapa mohlakomedi wa ngwana. Boleng bohle ba thuso e tla ba bakeng sa mosebetsi a le 1 ho lenaneo ka leng, e tla arolelwa basebetsi kaofela. **KAPA**
 - 3 Mokgatlo o laolang kapa o hlokomelang mananeo a ECD a mangata - lebitsong la lenaneo lefe kapa lefe leo o neng o ena le tumellano e ngotsweng le lona pele ho la 1 Tlhakubele 2020. [Sena se bolela hore Franchisor ya hao e ka o etsetsa kopo.](#)

HAEBA O BATLA HORE FRANCHISOR YA HAO E O ETSETSE KOPO

- Haeba o batla hore *Franchisor* ya hao e etse kopo lebitsong la hao mme Tumellano ya *Franchisee* ya hao e saennwe mohla 1 Tlhakubele 2020 kapa pele ho moo jwale:
 - o Tlatsa foromo ya tumellano inthaneteng -o ka e fumana mona: smartstart.org.za/contracts/login
 - o *Franchisor* ya hao e tla leka ho etsa kopo lebitsong la hao. Haeba e atleha, e tla o lefa tjhelete ya thuso (mohlomong mahareng a Mmesa le Motsheanong).
 - o O tla hloka ho fana ka bopaki ba hore o butse hape nakong ya matsatsi a 60.



Ka ho saena foromo ya tumellano, o itlamba ho bula hape nakong ya matsatsi a 60 a ho fumana tjhelete ya thuso. **Saena foromo feela haeba o ka etsa boitlamo bona**

HAEBA O BATLA HO E TSA KOPO KA KOTLOLOHO BAKENG SA LENANEO LA HAO

- Mmuso o re *motho kapa mokgatlo ofe kapa ofe ya/o etsang kopo* (eseng motho ya fumanang tjhelete ya thuso) o lokela ho ba le dintho tsena:
 - 1 Akhaonto ya banka e lebitsong la lenaneo la ECD kapa la mokgatlo.
 - 2 Boingodiso ho *Central Supplier Database* (haeba ha o thuswe ka matlole ke DSD). Tlatsa foromo feela ho: secure.csd.gov.za/Account/Register
- Haeba o ena le dintho tsena mme **o batla ho iketsetsa kopo ka bowena**, eya ho <https://govchat.app>, tlatsa dintlha tsa hao mme o aplane ditokomane tse hlokehang.



O keke wa iketsetsa kopo ka bowena ka kotloloho *le ka Franchisor ya hao*. Sena ke boqhekanyetsi mme se ka lebisisa diqosong tsa tlolo ya molao. Kgetha mokgwa o le mong.

Na o hloka lesedi le eketsehileng? Letsetsa Morupelli wa hao kapa etela
www.dsd.gov.za